



## **Tsab ntawv txib hais txog kev noj qab haus huv ntawm pej xeem kom muab cov kev cai uas yuav tsum ua kom tau ntsig txog kev rau ntaub npog qhov ncauj qhov ntswg thaum nyob rau ntawm lub chaw rau kev ua si sab hauv tsev hauv thuaj pais tshem tawm**

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) tau hloov kho ib txoj kev cai rau daim ntaub npog qhov ncauj qhov ntswg nyob rau ntawm lub chaw rau kev ua si sab hauv tsev thuaj pais uas kav siv mus ib txhis nyob rau Lub Ob Hlis Ntuj 7, 2022 nod lawm. Xeev Oregon Tsab Cai Hais Txog Kev Tuav Tswj (Oregon Administrative Rule, OAR) 333-019-1025. Raws li txoj cai ntawd uas tej zaum Tus Thawj Coj Saib Xyuas Txog Fab Kev Noj Qab Haus Huv Rau Pej Xeem Ntawm Lub Xeev los sis Tus Neeg Dhia Hauj Lwm Saib Xyuas Kev Noj Qab Haus Huv Rau Pej Xeem Ntawm Lub Xeev yuav tawm ib tsab ntawv txib kom muab cov kev cai uas yuav tsum ua kom tau ntsig txog kev rau ntaub npog qhov ncauj qhov ntswg thaum nyob rau ntawm lub chaw rau kev ua si sab hauv tsev hauv thuaj pais tshem tawm yog hais tias tsis tas yuav tsum tau siv cov kev cai uas yuav tsum ua kom tau ntawd los mus tswj xyuas Tus Kab Mob Khaus Viv-19 (COVID-19) mus ntxiv lawm.

Los txog rau Lub Peb Hlis Ntuj 11, 2022 tom qab sij hawm 11:59 Tsaus Ntuj, yuav tsis siv cov kev cai uas yuav tsum ua kom tau ntsig txog kev rau ntaub npog qhov ncauj qhov ntswg thaum nyob rau ntawm lub chaw rau kev ua si sab hauv tsev hauv thuaj pais uas nyob rau hauv Xeev Oregon Tsab Cai Hais Txog Kev Tuav Tswj (Oregon Administrative Rule, OAR) 333-019-1025 mus ntxiv lawm. Tsis tas yuav tsum tau siv cov kev cai uas yuav tsum ua kom tau ntsig txog kev rau ntaub npog qhov ncauj qhov ntswg thaum nyob rau ntawm lub chaw rau kev ua si sab hauv tsev mus ntxiv lawm vim hais tias cov teeb meem kev tshwm sim tsis zoo ntawm Tus Kab Mob Khaus Viv-19 (COVID-19) tau muaj tsawg zuj zus nyob rau hauv xeev Oregon hauv ntau cov hau kev lawm, muaj xam nrog rau tab sis kuj tsis yog tag rau:

- Cov kev pw kho hauv tsev kho mob vim hais tias Tus Kab Mob Khaus Viv-19 (COVID-19) tau poob qis tsawg tshaj 300 lawm.
- Txij thaum Lub Peb Hlis Ntuj 8, 2022, qhov kev kwv yees nyob rau ncuaj sij hawm 7 hnuv txog ntawm 520 cov kis (kaus lab nis) mob/hnuv yog muaj li 94% uas yog poob qis tshaj qhov siab kaws nkaus ntawm 8,209 cov kis (kaus lab nis) mob/hnuv nyob rau Lub Ib Hlis Ntuj 20; tsis tas li ntawd nws kuj tseem yog ib tus nab npawb kis (kaus lab nis) mob uas kwv yees nyob ncuaj sij hawm 7 hnuv uas qis tshaj plaws suav tab txij li Lub Xya Hlis Ntuj 2021 los mus.

- Txij thaum Lub Peb Hlis Ntuj 9, 2022, muaj txog 75.5% ntawm cov neeg uas muaj hnuv nyoog 18 xyoo thiab laus dua ntawd uas nyob rau hauv xeev Oregon txhaj tiav lawv cov tshuaj txhaj ua ntu zus los mus tiv thaiv Tus Kab Mob Khaus Viv-19 (COVID-19) xub thawj dhau ntawd lub zog tiv thaiv kab mob hauv nrog cev hauv cov neeg uas nyuam qhuav zoo los ntawm Tus Kab Mob Khaus Viv-19 (COVID-19) tsis ntev los no nyob rau lub sij hawm uas tau muaj mob nce siab yam ceev heev tsis ntev los no vim los ntawm cov yam ntxwv ntawm Tus Kab Mob Khaus Viv Hom Des Taj (Delta) thiab Tus Kab Mob Khaus Viv Hom Aus Mais Khloos (Omicron).

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muab tswv yim qhia xav kom cov neeg uas muaj kev pheej hmoo siab kis tau tus kab mob hnyav thiab kev pw kho hauv tsev kho mob, tshwj xeeb mas nyob rau hauv cov cheeb tsam zej zos uas muaj cov them kev sib kis kab mob pes nrab los sis siab raus li [Lub Chaw Ua Hauj Lwm Txog Kev Tswj Xyuas thiab Kev Tiv Thaiv Kab Mob \(Centers for Disease Control and Prevention, CDC\) Cov Them Cheeb Tsam Zej Zos Uas Muaj Tus Kab Mob Khaus Viv-19 \(COVID-19\)](#), rau cov ntaub npog qhov ncauj qhov ntswg thaum nyob rau hauv cov chaw teeb tsim nyob rau ntawm lub chaw rau kev ua si sab hauv tsev txuas ntxiv mus, muaj xam nrog rau cov neeg:

- Uas tseem tsis tau txhaj tshuaj tiv thaiv kab mob,
- Muaj cov kev tiv thaiv (ntaus) kab mob hauv nrog cev tsis zoo,
- Muaj cov zwj ceeb mob lwm yam txuam nrog,
- Muaj hnuv nyoog 65 xyoos thiab laus dua ntawd, los sis
- Nyob nrog lwm tus neeg uas muaj kev pheej hmoo siab txog kev sib kis tau kab mob hnyav.

Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) yuav ua hauj lwm txuas ntxiv mus txhawm rau ua kom muaj kev nkag cuag tau rau cov kev txhaj tshuaj tiv thaiv kab mob ntau dua qub tuaj nyob rau hauv cov cheeb tsam zej zos uas raug kev puas tsuaj tsis zoo los ntawm Tus Kab Mob Khaus Viv-19 (COVID-19) yam tsis sib luag.

Tsis muaj ib yam dab tsi hauv tsab ntawv txib no yuav los txwv ib lub chaw ua hauj lwm ntawm tsoom fwv, lub lag luam, los sis lub chaw ua hauj lwm kom tsis txhob hais tseev kom cov tib neeg yuav tsum tau rau cov ntaub npog qhov ncauj qhov ntswg. Tso cai rau cov tib neeg uas xav rau cov ntaub npog qhov ncauj qhov ntswg txuas ntxiv mus txhawm rau pov thaiv Tus Kab Mob Khaus Viv-19 (COVID-19) rau tau.


Cov kev cai uas yuav tsum ua kom tau ntsig txog kev rau ntaub npog qhov ncauj qhov ntswg uas siv rau cov chaw teeb tsim rau kev saib xyuas (tu) mob rau fab kev noj qab haus huv raws li Xeev Oregon Tsab Cai Hais Txog Kev Tuav Tswj (Oregon Administrative Rule, OAR) 333-019-1011 yeej tseem siv tau li qub.

Txij li hnuv tim 11 ntawm Lub Peb Hlis Ntuj 2022 no.



---

Cov Txhaj Nyiaj Rachael  
Tus Thawj Coj Saib Xyuas Txog Fab Kev Noj Qab Haus Huv Rau Pej Xeem  
Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health  
Authority)  
Feem Saib Xyuas Kev Noj Qab Haus Huv Rau Pej Xeem



---

Tus Nav Kis Las Sib Tw Khiav Raws Txoj Kab Dean  
Tus Neeg Dhia Hauj Lwm Saib Xyuas Kev Noj Qab Haus Huv thiab Tus Kws Saib Xyuas Kab  
Mob Sib Kis Ntawm Lub Xeev  
Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health  
Authority)  
Feem Saib Xyuas Kev Noj Qab Haus Huv Rau Pej Xeem

**Kev muaj peev xwm nkag cuag tau rau daim ntaub ntawv:** Rau cov tib neeg uas muaj kev xiam oob qhab los sis cov tib neeg uas hais tau ib hom lus uas tsis yog Lus As Kiv, Lub Oos Kas Saib Xyuas Kev Noj Qab Haus Huv Hauv Xeev Oregon (Oregon Health Authority, OHA) muaj peev xwm muab tau cov lus qhia paub sau ua lwm hom ntaub ntawv xws li muab txhais ua lwm hom lus, muab sau ua tus tsiaj ntawv loj, los sis muab sau ua cov ntawv su uas cov neeg tsis pom kev siv tau. Tiv tauj rau Feem Saib Xyuas Hauj Lwm Txog Cov Kev Sib Txuas Lus Ntsig Txog Tus Kab Mob Khaus Viv-19 (COVID-19 Communications Unit) ntawm tus xov tooj 1-971-673-2411, 711 TTY los sis [COVID19.LanguageAccess@dhsoha.state.or.us](mailto:COVID19.LanguageAccess@dhsoha.state.or.us)